

新編醫學正傳

醫學正傳卷之八目錄

小兒科

論 又箋萊論

小兒脉法總論

三關脉法形狀

湯氏察形色總斷

面上諸候形證歌

凡七首

內八段錦

凡四首

外八段錦

凡十首

急慢驚門

論 脉法

丹溪方法

凡二條

東垣治驚風論

東垣黃芪湯

東垣益黃

錢氏安神丸

錢氏白木散

又治驚風方

急慢驚風方

又急慢驚風方

又治慢驚風方

鎮驚丸

奪命丹

利驚丹

瀉仁丸

抱龍丸

千金龍磨湯

宣風散

五福化毒丹

金鉞

釣藤飲

溫白丸

涼驚

發搐門二

男發搐

女發搐

早晨發搐

日午發搐

日晚發搐

夜間發搐

傷風發搐

傷食發搐

百日内發搐

補腎地黃丸

瀉青丸

導赤散

涼驚丸

益黃散

大青膏

牛黃膏

甘露飲

白餅子

塗頤法

浴體法

五癰門三

論五癰形証

五色丸

諸疳門四

論

地黃丸

安神丸

益黃散

又名補脾散

木香丸

胡黃連丸

蘭香散

白粉散

如聖丸

香蟾丸

盧薈丸

治疳積腹大方

又治小兒疳方

祖傳經驗秘方

吐瀉門五

論

錢氏方法

木瓜丸

兒生三日內吐

兒生三日至十日吐瀉

五月二十五日已後吐瀉

玉露散

六月十五日已後吐瀉

七月七日已後吐瀉

八月十五日已後吐瀉

吐瀉泄黃傷熱乳病

溫中丸

虛弱脾胃不和

吐瀉調脾平胃散

治吐瀉黃疸方

夏月吐瀉用益元散極效說

附証

腹脹論

腹脹扇氣丸

小兒腹虛脹方

又治腹脹方

腹瀉傷食法

不腹痛方

白餅子

白朮散

心腹痛方法

安虫散

集効丸

又治虫痛方

治蛇虫痛方

小兒吃粽腹痛方

又治小兒腰痛

小兒夜啼方

治夜啼花火膏

治小兒驚啼方

小兒風痰壅盛

小兒痰熱骨蒸方

又治前証方

小兒解顙方法

小兒吃泥方法

小兒脫囊方

小兒脫肛方

又治脫肛方

又治前証方

小兒赤瘤方法

白玉散

臍中汁出方

小兒癩頭方

又治癩頭方

丹溪醫按一條

小兒尾間骨痛

小兒弄舌

馮黃散

小兒龜胸

馮白散

龜背

重舌木舌

又治前証方

又治木舌方

小兒口瘡方

鴉口瘡方

又治驚口瘡方 又治小兒口瘡方 又口瘡方

小兒額上生瘡 小兒走馬牙疳 又治牙疳方

小兒臍風撮口方

痘疹門六 論 丹溪方法總論

丹溪方法 九三十二條

痘瘡初登伍巖形証一 痘瘡五巖形色二

斑痘所發之源三

○辨內外因四

王氏惺惺散 升麻葛根湯 木香三蘇

四君子湯 和中散 紫霜丸

○辨形氣病

補肺散 鮮毒防風湯 當歸丸

十奇散

○辨三陰三陽經候六

荊芥甘草防風湯

連翹防風湯

升麻湯

理中湯

木香散

異功散

○辨三陽証治七

連翹升麻湯

犀角地黄湯

鮮毒丸

宣風散

百祥丸

龐氏地黄膏

黃柏膏

玉露散

甘露飲子

猪心龍腦膏

○辨三陰証治法八

調中丸

○辨形氣不足九

芍歸湯

○辨表裏虛實十

消毒飲

葛根升加芍藥湯

活血散

勻氣散

二物湯

百花膏

○平治諸方 十一

三豈湯

油飲子

鳳龍膏

四物解肌湯

○瘡出不快 十二

活血散加防風

龐氏紅花湯

紫草湯

四聖散

樺皮飲子

五積散

正氣散

調解散

辰砂五苓散

肉苳蔻丸

絲瓜湯

阮氏萬金散

湯氏安班湯

透肌散

如聖湯

○辨外証送順 十三

○辨初末形証 十四

○辨不藥而愈 十五



○辨五不治証 十六

○辨疹陰陽証 十七

○傷寒時氣發斑附十八 玄參升麻湯

荆防敗毒散

化斑湯

龐氏石膏湯

陽毒升麻湯

○辨瘡後餘毒 十九

消毒飲

十六味流氣飲

必勝膏

蜆子水

五福化毒丹

如聖湯

雄黃解毒丸

黃連阿膠丸

駐車丸

決明散

密蒙花散

撥雲散

蛤粉散

祖傳經驗秘方

又痘後不大便方

○古人拯治痘瘡要法方論 二十

隨伏倒靨黑陷証

不換金正氣散

辟穢丹

再甦散

傳風膏

白龍散

敗草散

馮氏天花散

單胎散

獨聖散

安胎散

醫學正傳卷之八目錄終

新編醫學正傳卷之八

花溪恒德老人虞轉天氏編集

姪孫虞守惠惟明校

小兒科

論

嘗聞小方脉科古人謂之啞科最費調治誠哉是言也蓋以  
嬰之流難問証難察脉耳抑且臟腑脆嫩而孟浪之劑與夫峻  
寒峻熱之藥俱不可輕用試詳論之夫孺子之在襁褓中也內  
無七情六慾之交戰外無大風大寒之相侵奚其幼科之疾若  
是之繁且甚與抑考其証太半胎毒而少半傷食也其外感風  
寒之証什一而已曰變蒸曰痘疹曰班爛曰驚悸曰風癇曰發  
搐曰痰雍曰赤瘤曰白禿曰解顱曰重舌木舌已上諸証豈非

孕母不謹胎毒之所致與夫小兒之在胎也母飢亦飢母飽亦飽辛辣適口胎氣隨熱情慾動中胎息輒躁或多食煎燂或恣味辛酸或嗜慾無節或喜怒不常皆能令子受惠其爲母者胎前旣不能謹節產後又不能調護是以惟務姑息不能防微杜漸或未滿百晷而遂與鹹酸之味或未穀週歲而輒與肥甘之物百病由是而生焉曰吐瀉曰黃疸曰五疳曰腹脹曰腹痛曰水腫曰瘡曰痢曰痰喘豈非吃食過傷調養失宜之所致與先正所謂古者婦人妊子寢不側座不遑立不暉不食邪味等語厥有旨哉其餘飲食男女養胎幼幼之法必深得造化生生不息之意故古人多壽考見少夭折者即此之由也嘗見今有稟性溫良之婦有娠不嗜慾從口生子少病而痘疹亦稀亦可以爲師法矣爲兒醫者臨證之際宜察色觀容不可鹵莽假如額赤知爲

心熱鼻紅知爲脾熱左腮青知爲肝有餘右頤白知爲肺不足  
頰白知爲腎虛之類更參之以虎口三關之脉其少兒之病情  
斯過半矣傳曰幼吾幼以及人之幼仁人之心斯言其可忽諸  
又論變蒸


夫小兒之初生血氣未足陰陽未和臟腑未實骨格未全有變  
蒸之後每三十二日一發熱或吐或汗或呻吟不食此爲長血  
脉全智意之常候不須治而自愈按諸家所論皆謂乃小兒長  
骨脉藏府與神志也自生之日始每三十二日一變凡人有三  
百六十五骨除手足四十五碎骨外正有三百二十骨自生下  
骨而上一日十骨三十二日乃爲一變骨氣始全一變生一藏  
或一府十變則藏府始足每變發爲虛熱諸證亦有胎氣任實  
暗變而無發熱証者此骨節藏府由變而全胎毒亦因變而散

也爲兒醫者可不審乎

脉法總論

按古法曰凡小兒證候難以手太陰尺寸脉診如一歲至六歲曰嬰孩惟以男左女右手次指三關之脉以爲驗病輕重死生之訣第一節名風關無脉則無病有脉則病輕第二節名氣關脉見則病重尚可以藥治而已第三節名命關脉見則病劇乃九死一生之惡候也多不可治七歲八歲曰亂九歲十歲曰髡始可以一指探掌後尺寸三部之脉而以一息七八至爲無病之常脉十一歲至十肆歲曰童外而以一息五六至爲常脉也數則爲熱遲則爲寒浮則爲虛爲風沉則爲實爲積爲痛浮而數者爲乳癰驚悸虛而軟者爲慢驚痰涎緊而實者爲風癰牢而革者爲便秘沉而弦者爲食積爲腹痛緊而弦者爲氣急爲

風寒共數者為熱伏結為傷食軟細者為虫疳若氣促脉代散  
乱無倫次者死在須臾而不治也業幼科者其可不尽心於此  
今將手指三關之脉繪面分注開列于後



一風關易治

二氣關病重

三命關死候

三關青是四足驚 三關赤是水驚 三關黑是人驚  
如有此三關通度脉候是極重之証必死餘並可治

一風關青如魚刺易治乃初驚之候也黑色難治

氣關青如魚刺主疳勞身熱易治

命關青如魚刺主匿風邪傳脾難治

一風關青黑色如懸針主水驚易治



氣關赤色如懸針主疳病熱肺藏積熱尤為可治  
命關凡有此脉不問五色皆是死候

又三關通度如懸針者主慢驚風難治

水風關如水字主驚風入肺咳嗽面赤

氣關如水字主驚風疳積夾驚候不拘五色三關通度者不治

乙風關如乙字主肺藏驚風易治

氣關如乙字主驚風病重

命關如乙字青黑色主慢驚風難治

？風關如曲虫主疳病積聚胃前如橫排筭子肚皮如吹胖猪浮

氣關如曲虫主大腸有穢積

命關如曲虫主心痛傳肝難治

？風關如環主肝藏有疳積積聚

氣閉如環主痺入胃吐逆不治

命關如環候惡不治

此紋若在風氣二關易治若在命關通度難治

此紋若在手上或面上或左右腋脇上

ㄣ脉曲向裏者是氣痺

ㄥ脉曲向外者是風痺

ㄤ脉邪向右者是傷寒身熱不食無汗

ㄥ脉斜向左者是風傷身熱不食有汗

㊦雙鉤脉者是傷寒

ㄣ三曲如長虫者是傷硬物

ㄣ兩曲如鉤者是傷冷物

ㄣ脉一頭如環有獨脚者是傷冷

面上有此點子必是再發之候

父兒頭面上或肚腹上有大脉併青筋如此者並是食毒物反  
驚積聚治

變味如亂虫是常疳亦有虫疳此疳食積之疳皆可治

凡脉微細不足者並是風氣俱宜消疳然後取虫積肥孩兒  
是良法也

附湯氏察小兒神色總斷

○凡看小兒病宜先觀形証神色然後察脉假如肝之爲病則  
面青心之爲病則面毒脾之爲病則面黃肺之爲病則面  
白腎之爲病則面黑先要分別五藏形証次看稟受盈虧  
胎氣虛實明其標本而治之無不可者

面上諸候形証歌 五言

○痢疾肩頭皺驚風面頰紅渴來唇帶赤毒熱眼朦朧

又一首

○山根若見脉橫青此病明知兩度驚赤黑困疲特吐瀉色紅  
啼夜不曾停

又

○青脉生於左太陽須驚一度見推詳亦是傷寒微燥熱黑青  
知是乳多傷

又

○右邊青脉不須多有則頻驚寒柰何紅赤爲風抽眼目黑青  
三日見閻羅

又

○指甲青黑黑暗多唇青惡逆病將瘥忽作鴉声心氣急此時

端的命難過

又

○蛇虫出口有三般口鼻中來大不堪如或白虫兼黑色灵丹  
縱眼病難安

又

○四肢疼痛不爲祥下氣冲心兼滑腸氣喘汗流身不熱手拿  
腎脾定遭殃

內八段錦

○紅淨爲安不用驚若逢紅黑便難寧更加紅亂青尤甚取下  
風痰病立輕

○赤色輕微是外驚譬如米粒勢難輕紅散多因乘怒亂更加  
搐搦實難平

○小兒初誕月腹痛兩肩顫號盤腸氣疳啼哭又呻

如反目抑視者天馬風也

○小兒初誕月飢體瘦庭麻髮禿毛稀少元因鬼王胎

外八段錦

○先望孩兒眼色青次看背上冷如水陽男搐左無妨事搐右  
令人甚可驚女搐右邊猶可治若逢搐左疾非輕歪斜口  
眼終爲害縱有仙丹也莫平

○眼中赤脉實難量大數元來一不祥最怕乱文鋪目下更嫌  
赤脉貫瞳光

○顙門腫起定爲風此候應知最是凶忽陷成坑如盞足未過  
七日命須終

○鼻門黑燥渴難禁面黑唇青命莫存肚大青筋俱惡候更嫌

瘦有直身紋

○及見面茶帶青者來立便見風生青紅碎雜風將起必見  
面微滿氣形

○亂紋不錯紫熾青急急求醫免命傾盛紫并加身體熱須知  
藏府惡風生

○紫小紅多六畜驚紫紅相等即疳成紫点有形如米粒傷寒  
夾食証堪評

○紫散風傳脾藏聞紫青口渴是風癰紫隱深沉難治療風痰  
祛散命須還

○黑輕可治死還生紅赤傷寒痰積停赤青脾受風邪証青黑  
脾風作慢極馬

○紅赤連弓赤輕必然乳母不相應兩手忽然無脉見定知

衝惡犯神靈



急慢驚風一

論

內經曰諸風掉眩皆屬肝木夫小兒八歲已前曰純陽蓋其真水未耗心火已炎故肺金受制而無以平木故肝木常有餘而脾土常不足也為父母者而有失於保養其或衣服寒暄不調以致外邪侵襲或飲食之飢飽失節以致中氣損傷是故急慢驚風之候作矣夫惟急驚屬肝木風邪有餘之証治宜清涼苦寒瀉氣之藥慢驚屬脾土中氣不足之候治宜中和甘溫補中之劑若夫急驚之候因聞不常之聲或遇駭馬禽獸之唬以致面青口噤或嘔嘔而厥發過則容色如故良久復作其身熱面赤引飲口鼻中氣熱大小便黃赤色惺惺不睡蓋熱甚則生痰痰盛則生風偶因驚而發耳宜用錢氏利驚丸瀉青丸抱龍丸

宣風散伍福化毒丹等藥慢驚之証多因飲食不節損傷脾胃以致吐瀉日久中氣大虛而致發搐發則無休止時其身冷面黃不渴口鼻中氣寒大小便青白昏睡露睛目上視手足瘳癱筋脉拘牽蓋脾虛則生風風盛則筋急俗名天弔風者即此候也治宜東垣黃芪湯錢氏釣藤丸溫白丸丹溪參朮湯送下硃砂安神丸之類錢氏謂驚為無陰之証因心經實熱而因不能以配陽是為陽盛陰虛之候也謂慢驚為無陽之証因脾土虛甚而陽不能以勝陰是為陰盛陽虛之候也愚按小兒急慢驚風之証其虛實寒熱如天淵之隔故急驚者十生一死慢驚者十死一生俗醫多不諳此理混為一途而治誤人多矣業幼科者宜推幼幼及人之心為心庶免斯世無夭枉之赤子矣幸甚

脉訣

並見前認章

方法

冊溪方法  
凡二條

冊溪曰錢氏方乃小兒科之祖其立例極妙若能增損而用之無不驗也

又曰驚風有二慢驚屬脾虛所主多死宜溫補一云當養脾用參朮煎湯下安神丸○急驚屬痰熱宜涼瀉一云用養血藥作湯下降火清痰丸子世龍丸世以一藥通治二証甚謬

○東垣治驚論曰外物驚宜鎮心以黃連安神丸若氣動所驚宜寒水石安神丸大忌防風丸治風辛溫之藥必殺人何也辛散浮溫熱者火也因驚而泄青色先鎮肝以硃砂之類勿用寒涼之氣大禁涼驚丸風木旺必克脾胃當先實其土後瀉其木關孝忠編集錢氏方以益黃補土誤矣其

藥有丁香辛熱取火火旺土俞虛矣青橘皮瀉肺丁香熱大瀉肺與大腸脾實當瀉子今脾胃虛反更瀉子而助火重虛其土殺人無疑矣其風木旺証右關脉洪大掌中熱腹皮熱豈可以助火瀉金如寒水來乘脾土其病嘔吐腹痛瀉痢青白益黃散聖藥也今立一方先瀉火補金大補其土是為神治之法

○黃芪湯治慢驚風之神藥也

黃芪二錢人參一錢炙甘草半錢加白芍藥一錢

右細切作一服水一大碗煎至半盞去粗食遠服

上三味皆甘溫能助元氣其能瀉火內經云熱淫于內以甘瀉之以酸收之白芍藥酸寒寒能瀉火酸味能瀉肝而大補肺金所補得金土之位大旺火虛風木何由而來尅

土然後瀉風之邪。○文曰夫益黃散理中丸養神丸之類  
皆治脾胃寒濕天盛神品之藥也若得脾胃中伏熱勞役  
不足之証及服熱藥已至之類致胃虛而脾熱之証用  
之必傷人命夫慢驚風者皆由久瀉脾胃虛而生也錢氏  
以羌活膏療慢驚風誤矣脾虛者由火邪乘其土位故曰  
從後來者為虛邪火旺能克其木木旺故來剋土當於心  
經中以甘溫補土之源更於脾土中瀉火以甘寒更於脾  
土中補金以酸涼使脾土中金旺火衰風木自虛矣損食  
多進藥愈上藥是也

○益黃散治胃中風熱

黃芪 二錢 陳皮 去白 人參 各一錢 白芍藥 七分

生甘草 炙甘草 各五分

黃連 小許

右為細末分三服每服用水一盞煎至半盞食煎服

○錢氏安神丸治邪熱驚啼心忪面黃頰赤壯熱

麥門東去心馬牙硝

白茯苓

乾山藥

寒水石

甘草各半兩

硃砂一兩

龍腦一字

右為末細煉密為丸如芡實大每服半丸砂糖水磨化下  
慢驚用參朮煎濃汁化下

○錢氏白朮散治積痛和胃生津止瀉頻瀉利將欲成慢驚風  
者服之訣効

人參

白朮

木香

白茯苓去皮

甘草各錢

藿香各錢

乾葛

二錢

右細切分二服每服水一中煎至半盞溫服○丹溪加山

藥白扁豆

肉豆蔻

煨各一錢

用姜一片煎

○若慢驚已

作加細辛天麻各一錢全蝎三枚去稍毒白附子八分同煎服不拘時候

○方治驚風用母丁香一粒細嚼人中白小許以其母中指取血調擦牙上即甦

○急慢驚發熱口瘡手心伏熱痰熱痰嗽痰喘並用湧法重劑用瓜蒂散輕劑用苦參赤小豆末以酸葶汁調服吐之吐後稍定更用防風通聖散為末密丸服之間以桑羊乾為末米飲調服以平其風氣

○又方治急慢驚風

薄苒葉 寒水石各半兩 青代 白殭蚕

硃砂各一錢 全蝎二枚炒 猪牙皂角槐角各半錢

右為細末灯草湯和乳汁調時時灌之

○又方治慢驚風字母俱服

人參

白朮各一錢茯苓

陳皮各半錢

甘草

薄荷各二分半夏

天麻各七分

田辛

金竭去毒炒一錢

右細切作一服加姜三片水一盞煎至七分服

○藥爲九鎮驚寧神退心熱夜啼化痰止嗽

珍珠一錢琥珀

天竺黃

雄黃各三錢

金鉞十片膽星

五錢牛黃二錢

射香半錢

硃砂三錢半

右爲細麥麵糊爲丸如梧桐子大每服五六丸薄荷姜蜜

湯化下

○奪命用治急驚不省人事目定直視牙關不開唇白或黑者



南星

半夏

各四錢 和作餅子焙乾 珠二錢 新白

巴豆

去油淨

硃砂

四錢

金鈞

銀鈞 各十片

輕粉

射香 各半錢

右為細末麵糊丸如黍米大每歲兒一丸燈心湯化下

○利驚丸治急驚風神効

天竺黃 二錢

輕粉

青黛 各一

綠黑丑 頭末半

右研勻煉密丸如梧桐子大一歲兒一丸三歲兒二丸五

歲兒三丸溫薄荷水下食後服

○溟青丸 又名溟

治肝熱急驚搐搦等証

羌活

川大黃

溫病暴發一

川芎

梔子仁

草龍膽

當歸

防風 各

右為細末煉密丸如芡實大每服半丸至一丸煎淡竹葉

湯同砂糖溫水化下

○抱龍丸治傷風瘟疫身熱昏睡氣促風熱痰實壅嗽又治驚風潮搐及蠱毒中暑沐浴後並可服壯實少兒宜時與服之則免痰熱驚悸之証

雄黃

二錢半

辰砂

研

天竺黃

一兩

天南星

煨為末

如無只將生乾者去皮

陰乾百日取研

熟用然不及膽星

射香多今用二錢半

右為末

甘草湯丸

如皂子大溫水化下

百日兒每丸分

作三服

一歲兒半丸

五歲兒二丸

童壯三五丸

室女白帶

伏暑用益小許

細嚼一二丸

新汲水送下

臘月用雪水煮

甘草和丸

丸佳一法用漿水或新水浸

南星三日煮三五

沸去皮取白肉切焙炒黃色為末

每八兩以甘草二兩半

拍破用水二碗慢火煎至半碗去粗旋旋洒入南星末徐徐研之令甘草水淨入餘藥

○千金龍膽湯治嬰兒出腹血脉實感寒熱交作四肢驚掣并諸疳驚等証

草龍胆

釣鈎藤

柴胡

黃芩

桂枝

芍藥

伏神

甘草

三

堂

娘

七枚

右細切用水一升煮至伍合徐徐服之

○宣風散治急驚風搐搦不定

檳榔二枚

陳皮

甘草

各五

錢

黑丑

四兩

半生半炒

右為細末二三歲兒密湯調下半錢已上一錢食前服

○五福化毒丹治急驚風痰熱搐搦等証

桔梗

微炒

玄參

洗焙各

青代

研

牙硝

各二兩

人參

去芦

茯苓

去皮五兩

甘草

炙一兩半

銀鉞

八兩

金鉞

八兩

射香

半錢

右為細末入研藥拌勻煉密丸每兩分作拾貳丸一歲兒每丸分四服用薄苛水化下瘡疹餘毒上攻口齒涎血臭氣以生地黃自然汁化一丸以鷄翎刷口內

○金鉞丸治急慢驚風痰涎壅盛

半夏

湯包七次

天南星

煨裂

白附子

炮

防風

去若去半兩

桂黃

硃砂

各二錢半

生犀末

一錢

牛黃

龍腦

射香

各半錢

金鉞

二十片

右為細末姜汁調麵打糊為丸如麻子大每服三五丸至一二十丸人參湯下慢驚去龍腦

○釣藤飲治吐利脾胃氣弱虛風慢驚

釣藤

去芦

人參

麻黃

去節

白殭蚕炒

天麻

蝎尾

去毒炒各二分

甘草

炙

川芎

各一分半

右為細切作一服水一盞煎至六分溫服量入大小加減  
分數與之虛寒者加附子末半分

○溫白丸治小兒脾氣虛弱泄瀉瘦怯冷痺洞泄及吐瀉久病  
轉成慢驚身冷瘈瘲等証

天麻半兩

白殭蚕炒

白附子

生

全蝎

去毒炒

天南星

湯泡七次焙各二錢五分

右為細末湯浸寒食麵為丸如棗豈大每服五七丸至二  
三十丸空心姜米湯下

○涼驚丸治驚疳

草龍膽

防風

去芦

青代各三錢

鈎藤

二錢

黃連

一兩二錢

龍腦

一錢

牛黃

射香

各一字

右爲細麥麵糊丸如黍米大每服三五丸至一二十丸煎金銀湯送下

發搐二

男發搐目左視無声右視

有聲

女發搐目右視無声左視

有聲

相勝故也更看所發時候

○早辰發搐因寅卯辰時潮熱口上視手足動搖口流熱涎頸筋急此肝木太旺當補腎抑肝補腎地黃丸抑肝瀉青丸主之

○日午發搐因巳未時潮熱心神驚悸目上視白睛赤色牙關緊急口流涎手足動搖此心火太旺也當補肝瀉心補肝地黃丸瀉心導赤散涼驚丸主之

○日晚發搐因申酉時潮熱搐而喘目微斜視睡則露睛足手

冷大便下薄淡黃水此是肺病當補脾而益心肝補脾益黃散抑心導赤散抑肝瀉青丸主之

○夜間發搐因亥子丑時潮熱不堪搐而卧不穩身體溫無壯熱目睛紫斜視喉中有痰大便銀褐色乳食不消多睡不醒當補脾抑心補益黃散抑心導赤散涼驚丸主之

○傷風發搐口中氣出熱呵欠頻悶手足動搖當發散大青膏主之小兒稟賦素怯者多病此

○傷食發搐身體溫多睡多噁或吐不飲食而搐當先定搐搐退用白餅子後服安神丸

○百日内發搐有真假二証真者不過三二次必死假者發頻不為重真者内生驚癇假者外傷風冷蓋血氣未實不能勝邪乃發搐也奚知假者口中氣出熱也治之宜發散大

青膏主之及用塗額法與沐体法

○補腎地黃丸 見拜病門 瀉青丸 見前驚風門

○導赤散治心熱

生乾地黄 木通 甘草 炙各等分

右細切每服三錢水一盞入淡竹葉七片同煎至半盞食

後溫服 一本無并

○涼驚丸 方見前 益黃散 方見拜病門

○大青膏治小兒傷風吐瀉心溫乍涼乍熱

天麻 青代 各一錢 白附子 一錢半 蝎尾 去毒

烏蛇肉 酒洗 硃砂 天竺黃 射香 各一字

右為細末坐密和成膏每服半皂子大或一皂子大月中

見便米大司半黃膏也傳行水化一匙服之五歲已上同



甘露飲服

此本有天麻無大青按此如開孝忠加減方也

○牛黃膏治熱及傷風吐熱引飲

雄黃

甘草

甜硝

寒水石

生各二錢

蔚金

藁苳粉

伍錢腦子一錢

右為細末和勻密和成膏薄奇水化下半皂子大食後服

○立靈飲治心胃熱咽痛口舌生瘡併瘡疹已發未發皆可服

又治熱氣上攻牙齦腫牙齒動搖含嗽併服

方見痘疹門

治小兒腹中有癖但飲乳嗽而生痰

滑石

輕粉

半夏

湯泡七次

南星

各一錢

巴豆

二十四粒去皮膜用水一升煮水及為度一作水三升

右研勻巴豆後入衆藥以糯米飯為丸如菉豆大捏作餅

子三歲已上兒三五餅已下一二餅煎薄奇湯下臨臥服

○塗頤法

射香

蜈蚣末

牛黃末

青代末各一字

蝎尾

去毒末半錢為薄苛葉半錢

右同為細末研勻熟棗肉劑為膏新綿上塗勻貼頤上四方可出一指許火上炙手頻熨百日裏外兒可用芫浴法

○浴体法治肥胎併胎怯胎熱

烏蛇肉

酒浸焙為末

白礬

青代各二錢

天麻二錢

蝎尾

去毒為末

硃砂

各半錢射香一字

右同研為細末每服用三錢水三碗帶葉挑枝一握同煎至十數沸溫熱浴之勿浴背

○伍疳三

九治小兒五疳當隨臟治之每臟各有一獸所屬如犬

癰反折上竅大叫肝也○牛癰目直視腹滿牛呌脾也  
雞癰驚跳反折手攣雞呌肺也○猪癰如尸吐沫猪呌腎  
也○羊癰目瞪吐舌羊呌心也○伍癰重者死病後甚者  
亦死治法並用五色丸主之

○伍色丸

硃砂另研

玳瑁末

各五錢

水銀

二錢半

雄黃

一作三兩

黑鉛

二兩同水熬○按用黑鉛二兩者為是無疑矣

石煉密丸如麻子大每服三四丸煎金銀薄荷湯下

諸疳証四

論

內經曰數食肥令人內熱數食甘令人中滿蓋其病因肥甘所致故命名曰疳若夫襁褓中之乳子與四五歲之孩提乳哺未息胃氣未全而穀氣尚未充也父母不能調相惟務姑息舐犢之愛遂令恣食肥甘與夫瓜果生冷及一切烹飪調和之味朝餐暮食漸成積滯膠固以致身熱體瘦面色痿黃或肚大青筋虫痛瀉利而諸疳之証作矣錢仲陽曰小兒病疳多因大病後或吐瀉後以藥下之致脾胃虛損亡津液而成蓋此証實由愚醫之所害耳斯言也特一端耳未可悉以爲然其所謂大病吐瀉豈非飲食之所致與夫仲陽爲兒醫之祖豈有誤耶其所論諸疳形証治法班班可攷學者不可不審如疳在肝則膜遮睛

法當補肝。地黄丸主之。疳在心則面頰赤。身體壯熱。法當補心。安神。元主之。疳在脾則體黃腹大。好食泥土。法當補脾。益黃散主之。疳在肺則氣喘口鼻生瘡。亦當補脾。益黃散主之。此虛者補其母也。疳在腎則極瘦而身生瘡。亦法當補腎。地黄丸主之。筋痺則瀉血而瘦。當服補肝。地黄丸。骨痺喜卧冷。地當服補腎。地黄丸。內疳則目腫腹脹。利色無常。或沫青白。漸而瘦弱。此冷証也。宜服木香丸。外疳鼻下赤爛。自揉鼻頭有瘡不結。迎筵目而生。當用治瘡爛香散。白粉散等藥。法曰。諸疳皆依本藏而補其母。則子自安。假令日中潮熱。是心經虛熱也。肝爲心之母。宜先補肝。實而後瀉心。得母氣則內平而潮熱愈矣。餘皆倣此。大抵疳病當辨冷熱。肥瘦而治。其初病者爲肥熱疳。久病者爲瘦冷疳。冷則用木香丸。熱則當用胡黃連丸。冷熱再並宜。

用聖丸之類惟小兒之府藏柔弱不可痛擊大下必亡津液而成疳証為兒醫者常當以幼幼之心為心而善調之母縱巨膽妄為施治以絕人之嗣續幸甚

脉法 並見前初章

### 方法

○黃丸 補肝腎虛

治肝疳白膜遮睛筋疳瀉血腎疳身瘦瘡疥

骨疳喜臥冷地又治胃法不言解頤小兒年長不能行者

專服神効

熟地黃 酒洗

山茱萸

乾山藥

澤瀉

牡丹皮

白茯苓

各三錢

右為細末煉密為丸如梧桐子大三歲以下兒三九至五

九熱水空心化下年長者量增丸數

○安神丸治邪熱驚啼心疳面黃頰赤壯熱方見驚風門

○益黃散又名補脾散治小兒脾胃虛寒脾疳體黃腹大好食

泥土肺疳氣喘口鼻生瘡等証

陳皮一錢 青皮 訶子皮 甘草各半錢

丁香二分

右作一服細切水一盞煎至六分溫服愚每於本方加參木各一錢効

○木香丸治瘦冷疳

木香 青皮 枳榔 肉豈各二錢半

射香一錢 續隨子一兩 煅礬大壯者一名礬石俗名風礬二箇燒存性

右為細末煉密丸如棗大每服三五丸至一二十丸薄

苛湯送下

○胡黃連丸治肥熱疳

胡黃連

宣黃連

各半兩

硃砂

二錢半另研

右為細末和勻填入獐猪膽內用淡漿煮以杖子如桃子上用線鉤之勿着底候一條時取出研入荖薈射香各一分飯丸如麻子大每服五七丸至一二十丸米飲下。一方是蝦蟇半兩焙乾不燒

○蘭香散治外痔鼻下赤爛

蘭香葉

藥名二錢洗淨

銅青

輕粉

各半錢

右為末細乾付之

○白粉散治疥瘡

烏賊魚骨末

七

白芨末

三七

輕粉

一七

右為件和勻先用清漿水洗瘡拭乾付之

○如聖丸治冷熱痢瀉



史君子去壳

胡黃連

川黃連

白蕪荑去皮炒

射香半錢

乾蝦蟇煮成膏

右為細末以蝦蟇膏和丸如麻子大二三歲兒五七九已上十丸至十五丸人參湯下不拘時服

○香蟾丸治疳消食積虫積肉積及治腹脹大

三棱

蓬義木

青皮

陳皮

神曲炒

麥蘖曲炒

草龍膽

檳榔各五錢

木香二錢

川練子去核

史君子

胡黃連

川黃連各四錢

白朮兩乾蟾五箇

右以白朮以上藥俱研為細末以乾蟾用醋煮爛成膏和藥如乾再加醋糊為丸如麻子大每服十五丸清米湯送下

○芳薈丸治小兒疳氣腹脹骨熱

茅薈

木香

板柳各二錢半

蝦蟇酒浸炙黃去骨

黃連

各一兩

蕪荑去支

青皮

陳皮各五錢

巴豆

三七粒去壳同  
上四味黃去豆

右為細末猪膽汁丸如小豆大三歲兒三十丸米湯下

○又方治疳積腹大

胡黃連

去酒漬一云  
去果子積

阿魏醋浸去肉  
積各五分

射香當門子  
四粒

川黃連

炒去熱積  
又去酒漬

神麴炒去食積  
各二錢

右為細末猪膽汁和丸如麻子大每服三十丸白木湯送

下○一方有茅薈半錢

○又方治小兒疳病

黃連

白朮

山查肉各五錢

胡黃連

茅薈

各三錢

蕪荑二錢  
五分

神麴

右為細末猪膽汁為丸如麻子大量兒大小加減丸數與之

○祖傳經驗秘方換柳丸小兒疳病積氣成塊腹大有虫等証其只如神

換柳 一兩

三稜

煨去毛切醋炒

蓬莪木

醋炒各半兩

青皮

去穢色炒

陳皮

去白半兩

蕪荑

水洗半二錢半

雷丸

去壳五錢

鶴虱

三錢炒

乾漆

五錢炒無煙

木香

三錢不見火

良姜

二錢陳壁土同炒

砂仁

一錢

麥蘖

五錢炒

胡黃連

三錢

甘草

三錢炙

神曲

五錢炒黃色

山查肉

五錢

右為細末醋糊為丸如菴豆大每服三伍十丸空心淡姜湯送下

吐瀉五

論

內經曰諸嘔吐酸暴注下迫皆屬於熱又曰濕勝則濡泄夫小兒之吐瀉皆由乳食過度傳化失常蓋食鬱則成熱熱鬱則成酸酸而成吐成瀉此必然之理也又曰食滯於胃口者為吐食滯於大小腸者為瀉有生下而遂吐不休者胞胎中穢惡流於腸胃而為吐也丹溪曰錢氏五補五瀉之法俱可選用謹遵而依法具錄如左

脉法

並見前摠章

方法

錢氏曰小兒初生下吐蓋拭掠兒口中穢惡不盡燕入喉中故

吐木瓜丸主之

凡生子於未發聲之先急取口中惡血以綿拭令淨後以黃連甘草二味等分煎汁灌

一二匙則無已上等病出痘疹亦稀少若希  
聲一發則熱下矣亦當用黃連甘草汁飲之  
不可忽也

木瓜丸

木瓜末

木香末

麝香末

膩粉 即輕粉也

換柳末 各一字

右再研勻麪糊為丸如黍米大每服三二丸甘草湯送下

○初生三日內吐瀉壯熱不思乳食大便乳食不消或白色知  
是傷食當下之而後和胃不用白餅子和胃用益黃散

方俱  
見前

○初生三日已上至十日吐瀉身不熱或乍熱乍涼不思乳食  
大便青白色乳食不消此上實下虛也更有伍藏兼見証  
宜詳○肺病則唾天露睛喘氣○心則驚悸飲水○脾則

困倦饒睡○肝則呵欠頻悶○腎則不語畏明當先見皂

蕪藏補脾益黃散王之 此二証多病於夏秋也常先見

其義未詳恐有脫簡以俟知者正之

○伍月二十五日以後夏至夜吐瀉身壯熱此熱乃藏腑中十

分中九分熱也或因傷熱乳食吐乳不消瀉深黃色玉露散主之

○玉露散 一名井露散

石膏

寒水石 各半兩 生甘草 二錢半

右爲細末每服一字或半錢溫水調下

○六月十五日以後大暑後吐瀉身溫似熱臟腑六分熱四分冷

也嘔吐乳食不消瀉黃白色似渴或食乳或不食食前少

服益黃散食後多服玉露散

按丹溪用去桂五苓散倍白朮加蒼朮甚者二朮炒用或入益元散和勻米湯調下甚効

○七月七日以後

立秋後七日也

吐瀉身溫涼

三分熱七分冷也

不能食乳多

似睡悶亂哽氣長出氣睡露睛唇白多噦欲大便不渴食前多服益黃散食後少服玉露散

○八月十五日以後

秋分後也

吐瀉身冷無陽也不能食乳乾噦瀉

青褐水當脾補黃散主之不可下也

○吐瀉泄黃傷熱乳也吐瀉、青傷冷乳也皆當下白餅子主之傷熱乳者玉露散傷冷乳者益黃散溫中丸並於下後服之亦有不須下但服此藥愈者

○溫中丸

人參

甘草

白朮 各一兩

○腹痛多是飲食所傷

白木一錢半 陳皮去白

青皮去穢各 山楂去核

神麴炒

麥芽炒

砂仁各一錢

甘草炙半錢

有寒加藿香吳茱萸

有熱加黃芩

右為細末白腹鹽 七分清米飲或白湯調下

○腹痛口吐氣溫面黃色目無精彩或白睛多及多睡畏食或

大便酸臭者當磨積宜消積丸甚者用白餅子下之後和

胃用白木散

○白餅子方見發舊條下

○白木散方見驚風門

○消積丸

丁香九粒

砂仁十二箇

巴豆二箇去皮心



右為細末麩糊為丸如黍米大三歲已上三五丸已下一  
二丸溫水下

○心腹痛面黃口中沃沫及清水出發痛有時當作蛇虫治  
不曰九積痛食痛寒痛虫痛大同小異惟虫痛者當口淡  
而沫自出小兒本怯故胃寒冷故垂動而心頭痛與痼畧  
相似但目不斜而手不搐耳安虫散主之

○安虫散

賈鑑用木朔為丸名安虫散

黃粉

炒黃色 檳榔

川練子

去核

鶴虱

各二兩

白礬

二錢半火枯

右為細末每服一字大者半錢或壹錢溫米飲下臨痛時  
服

○集効丸

治虫痛

木香

鶴虱

蘇枳

訶子錢上抄

蕪荑

附子

去皮

乾姜

二

大黃

兩半

烏梅

去核二錢半

右為細末煉蜜丸陳皮湯下或醋湯下一方加黃芩黃連

○一方治虫用鷄子炒白蠟塵酒糊丸服

一云治寸白虫

○一方治蛭虫作痛用二陳湯加香練根煎服或只以香練根

向東南生不出土者刮去塵皮取白皮細切濃煎汁一盞

徐徐飲之不可飲多先以糖密或炒肉食之引虫頭向上

然後服之看兒大小斟酌與之

○小兒吃棕腹痛用白酒藥加黃連末合研湯調服之即愈

○一方治小兒腹痛

甘草

炙

乾姜

各二錢

伏龍肝

一兩

人參

茯苓

百草霜

白朮

各五錢

右為末粥丸梧桐子大每服三五丸陳皮湯下

○小兒夜啼作心經有熱有虛治

人參

黃連

各錢半

甘草

五分

竹葉

二十片

右為細切分作二貼每貼加生姜一片水煎服一本無人

○錢氏曰小兒夜啼者脾藏冷而痛也當以溫中藥之宜益黃

散及以法療之花火膏之類

愚按上二說不同一日以

○花火膏

燈花

三顆

以乳汁調抹兒口或抹母乳上令兒吮之

○治驚啼邪熱乘心也安神丸主之方見前

○小兒風痰壅盛用

南星

下片

以白礬湯泡晒乾

白附子

二兩

方二件共末為麪糊為丸如芡實大每服

一丸姜蜜薑湯化下

○小兒痰熱骨蒸用

二陳湯

半兩

加升麻

二錢

葛根

白芍藥

各半

人參一錢

五味子

三十粒

右細切分三貼加姜棗水煎服

○下方治前証用

胡黃連

檳榔

各一錢

陳皮

雷丸

各一錢半

神麪

半夏麪

史君子

白花蓼

各二錢

右為細末麪糊為丸如黍米大每服三五丸白湯下

○小兒解顛

顛合也

不因母氣虛與熱多也錢氏曰主下而顛不

合腎氣未成也雖長必少笑更有目白睛多面皯自色瘦

者多愁少喜也丹溪用四君子湯合四物湯有熱加黃連酒炒煎服更以帛緊束及以白欵末付之

○小兒吃泥胃氣熱也用軟石膏黃芩陳皮茯苓白朮煎服歸

小兒脫囊

囊腫大墜下而不收也亦有囊皮脫爛者

木通甘草黃連當歸黃芩

煎服囊爛者以野紫蘇葉

面青背紅者是

為末香油調付皮脫兩

九露者外以青荷葉包之付藥後自生皮

○脫肛

肛門脫下也

用東壁土泡湯先薰後洗

○又方治前証用五倍子為細末付而頻托入之

○又方治前証用驚頭燒存性香油調付

一云以此物燒烟薰之良久自收

○小兒癰瘤

各名癰也

此蓋熱毒氣容於腠理搏於血氣發於皮

外赤如用也用

生地黃

木通

荊芥

一本有芍藥薤仁

若寒帶表之藥外以芒硝泡湯洗之又以芭蕉油塗之錢氏用白玉散付之皆効

○白玉散

白堊

即白善土也五錢

寒水石

一兩

右爲細末米醋或汲水調

○小兒臍中汁出併痛用白礬火煨枯乾付或用黃栢末付之  
○顧頭用通聖散酒拌除大黃另用酒炒共爲末再以酒拌焙乾每服一錢水煎服外以白炭燒紅淬入水中棄熱洗之更以胡安子伏龍肝懸龍尾黃連白礬爲末油調付之

○又方治顧頭以松樹厚皮燒存性二兩黃丹火飛一兩白礬火枯黃連大黃各伍錢白膠香火飛傾石上一兩輕粉四  
盤共爲末熱香油調付

○丹溪治一小兒二歲滿頭生瘡一日瘡忽自平遂患痰喘知其為胎毒也詢其母孕時多食辛熱物遂以人三連翹黃連并厚陳皮川芎芍藥木通濃煎入竹瀝與之數日而安

○尾骨痛屬陰虛有痰

陰虛用四物湯加炒黃柏酒知母小用桂為引或以前胡木香為引如痛不止加乳香末藥○痰用二陳湯加知母黃柏澤瀉必用前胡木香為引蓋陰虛故痰盛也如痛不止亦加乳香沒藥○二法必先以玉燭散或通經散痰小胃丹大下後用之或神祐丸十棗湯皆可與治帶同小兒弄舌因脾藏有微熱令舌絡微緊時時虛舌舐之勿用冷藥及下之少與瀉黃散徐徐服之有欲飲水者非熱也脾胃中津液少也不可下若大病後弄舌者凶

○瀉黃散

藿香葉 七分

梔子 一錢

石膏 半錢

甘草 七分半

防風

去芦四分

右細切作一服用密酒炒香熱以水一盞煎至半盞去粗時時與之

○龜膏乃肺熱脹滿攻於膏膈即成龜膏又乳母多食五辛熱物亦成此証宜瀉白散加黃芩

瀉白散

桑白皮

蜜水拌炒黃色一錢

地骨皮 一錢

甘草 炙半錢

加黃芩 一錢

右作一服水煎

○龜背兒生下客風入脊遂於骨髓即成龜背治之以龜尿點骨節即平○取龜尿法用蓮葉置龜於上尿自出



○重舌木舌乃小兒舌下生舌也

用三稜針於舌下紫脉刺之出惡血即愈

○又方用竹經調蒲黃末付舌上神効

○又方治小兒木舌塞口欬滿者用紫雪二錢竹瀝半合細研

和均頻付口即愈

○治小兒口瘡用鹽白梅燒存性

紅棗連核燒存性

鉛丹火飛

人中白火飛 龍腦火許 共爲細末服之神効

○治小兒鵝口瘡因白屑滿舌及兩脇故名鵝口用髮纏指頭

蘸井花水拭口令淨文用濃煮粟米汁以綿纏筋頭拭之

更以煨過黃丹搽之即愈

○又方治鵝口瘡不能食乳用地鷄搗水塗瘡即愈地鷄即雉也人家

傳石下多有之

○治小兒口瘡瀉心湯用黃連爲細末客水調服

○治小兒口瘡用黃柏細辛各等分爲細末付之

○治小兒頰上生瘡痛痒難忍用白楊木枝燒於刀上出煙付之及治賊口瘡神効

○治小兒走馬牙疳方其効如神

白礬

枯

黃丹

飛

京棗

健核虎  
存性

共爲末付之

又方治牙疳用白礬置於五倍子內煨過爲末付之

治小兒臍風撮口因臍斷傷風或尿在胞中遂成臍風發熱

面赤啼聲不出名曰撮口風

赤脚金頭蜈蚣一條

一條

瞿麥

半錢

蝎梢

四箇

蠟

七箇

右末鰓毛管吹些少入鼻中如噴嚏叫聲可治後用薄荷  
汁調與服之

# 痘疹六

論

內經曰諸痛痒瘡瘍皆屬心火夫小兒痘疹之證最爲酷疾不日之間死生反掌蓋因胎毒藏於命門遇歲火太過熱毒流行之年則痘毒因之而發作矣一發則出於心肝脾肺四藏而腎無留邪者爲吉若初發便作腰痛見點則紫黑者多死蓋毒氣留於腎間而不發越故耳錢氏湏有百祥丸大下之法然活者十無一二大抵痘瘡之法多歸重於脾肺二經蓋脾主肌肉而肺主皮毛故遍身爲之斑爛也其爲証也宜發越不宜鬱滯宜紅活凸綻不宜紫黑陷伏瘡出之後鑿者當察色詳証以辨表裏虛實用藥其吐瀉不能食爲裏虛不吐瀉能食爲裏實灰白色陷頂多汗爲表虛紅活凸綻無汗爲表實又諸痛爲實諸痒

爲虛外快內痛爲內實外虛外痛內快爲內虛外實裏實而補則結痼毒裏實而後用實表之藥則潰爛不結痂也如表虛者瘡易出而難醫裏實者瘡難出而易收裏實則出快而輕裏虛則發遲而重表實裏虛則陷伏倒靨裏實表虛則發慢收遲治之之發三日已前未見紅點必用升麻湯三蘇飲之類以發其表務令微汗爲度若未汗如表猶未解雖畧見紅點隱約於肌肉間而升散開發之劑尚未可除凡見出遲發慢者根窠欠紅活者便當憂慮調攝切勿袖手待斃夫古人用藥寒熱迥別主意不同鑒者再宜臆度寒暄推詳運氣而治如陳文中之木香散異功散用丁附姜桂等峻熱之藥而與內經病機不合丹溪苗發彈其誤亦有用得其當者屢獲捷効若劉河間張子和輩悉用苓連大黃等寒涼之劑丹溪亦曰酒炒芩連各解痘毒依

法用之而獲安者亦不少也今之醫者往往不同依陳氏而行者多用熱藥宗劉張而治者多用涼劑是故不偏於熱則偏於寒此刻丹求劍之道也愚按內經有曰寒者熱之熱者寒之微者逆之甚者從之又曰逆者正治從者反治從少從多觀其事也陳氏用從治之法權也劉張用正治之法常也然皆不外乎參朮芪草芍歸茯苓芍藥等補氣血藥爲主治焉亦當看時令寒熱緩急施治固不執一見也楊氏曰痘瘡發於肌肉陽明胃氣主之脾土一溫胃氣隨暢決無陷伏之患湯氏曰如庖人籠蒸之法但欲其鬆耳滄洲翁呂復拆衷衆說看方立論適中用藥寒熱攻補斟酌時宜未嘗執一治也學者能遵守其法而行之庶無一偏之患矣

○丹溪治小兒痘瘡方法

九  
三  
十

夫小兒痘瘡大抵與傷寒相似發熱煩躁臉赤唇紅身痛頭疼乍寒乍熱噴嚏呵欠喘嗽痰涎始發之時有因傷風傷寒而得有時氣傳染而得有因傷食發熱嘔吐而得有因跌撲驚恐畜血而得或爲目窠驚搐如風之証或口舌咽喉肚腹疼痛或煩躁狂悶昏睡或自汗或下利或發熱或不發熱証候多端卒未易辨必須以耳冷尻冷臉之蓋瘍疹屬陽腎藏無証其耳與尻俱屬腎故腎之所部獨冷又不若視其耳後有紅脉赤縷爲之真如此可以稽驗矣治療之法首尾俱不可妄下但溫之劑兼而濟之解毒和中安表而已虛者益之實者損之寒者溫之熱者清之是爲權度昔人昔喻云於庖人籠蒸之法但欲其鬆耳蓋毒發於表如苟妄汗則榮衛益虛重令開泄轉增瘡爛由是風邪乘間變証者多矣毒根如裏如苟妄下則內氣益虛毒

不能出而返入焉由是土不勝水變黑歸腎身体振寒耳尻返熱眼合肚脹其瘡黑陷十無一生汗下二說古人深戒以此觀瘡疹証狀雖與傷寒相似而其治法實異傷寒從表入裏瘡疹從裏出表故也解肌之法葛根升麻紫蘇之類可也其或氣實煩躁熱熾大便秘結則與犀角地黄湯或人參敗毒散又或紫草飲多服亦能利之故雖云大便不通者少與大黃尤宜仔細斟酌不可妄用猛浪如小便赤澀者分利小便則熱氣有所滲而出凡熱不可驟過但輕解之若無熱則瘡又不能發也

○凡痘疹春夏爲順秋冬爲逆

○凡痘疹分人清濁就形氣上取勇怯

○凡瘡疹但覺身熱証似傷寒疑似未明便當先與惺惺散

或參蘇飲熱甚者升麻葛根湯人參散毒散若見紅點便



忌葛根湯恐發得表虛也

○凡痘瘡初出時身發熱耳尻冷呵欠咳嗽面赤必是出痘之候便宜服升麻葛根湯加山查大力子其瘡出必稀少而易愈

○凡痘瘡初出時或未出時宜服後藥多者可少少者可無重者可令輕也方以絲瓜俗名天蘿近葉三寸連皮子燒存性細研砂糖拌乾吃入硃砂九妙○又方以硃砂一味為細末

看兒大小或半錢或一錢密水調服亦云多者可少者無

○凡痘瘡發熱之時更以惡實子為末密調貼顙門上免眼瘡之患

○凡痘瘡初出之際須看膏前若稠密急宜服消毒飲加山查黃芩酒洗紫草減食者加人參

○凡瘡痘初出之時色白者便當大補氣血參朮芪芍升麻乾

葛甘草木香丁香酒當歸白芍藥如大便泄加訶子肉桂  
○九痘瘡初起發時自汗不妨蓋濕熱薰蒸故也甚者當以參  
芪等實表之藥以防其難靨也

○九痘瘡初起發時煩躁譫語狂渴引飲若飲水則後來靨不  
齊急以涼藥解其標如益元散之類

○九痘瘡已出可少與化毒湯出不快者加味四聖散紫草飲  
子紫草木香湯快斑湯絲瓜湯之類

○九痘瘡出稠密甚者人參敗毒散犀角地黄湯

○九痘瘡疎則毒少密則毒甚宜以清涼之藥解之酒炒芩連  
之類雖數服亦不妨庶無害眼之患

○九痘瘡炉灰色白淨者作寒紫黑色者齊湧者煩躁者作熱  
者黑屬血熱涼血為主白屬氣虛補氣為主中黑陷而外

白起得遲者則相兼而治

○凡痘瘡當分表裏虛實吐瀉少食為裏虛不吐瀉能食為裏實裏實而補則結雍毒陷伏倒靨灰白色者為表虛紅活西綻者為表實表實而復實其表則潰爛不結痂也表虛不起發者或用燒人屎驗

○凡痘瘡須分氣虛血虛用補藥氣虛者人參白朮加解毒藥血虛者四物湯加解毒藥酒炒芩連各解毒藥蓋芩連為毒家之要藥加以酒炒以制其峻寒之性獨在清涼解毒之能是故痘瘡之症當用以殺其毒耳

○凡痘瘡雖分氣血虛實人抵多屬氣血不足然當於不足中以別其優劣而以補氣血藥中分輕重為用以平為期耳有挾外邪而實者少加防風等藥

○大法活血調氣安表和中輕清消毒溫涼之劑兼而治之此

平治之法也溫如黃芪當歸木香葷涼如煎胡乾葛升麻  
葷佐之以川芎白芍藥枳壳桔梗菴活木通紫草之屬則  
可以調適矣

○黑陷二種因氣虛而毒氣不能盡出者酒炒黃芪紫草人參  
等藥

○凡黑陷甚者亦用燒人屎別用無病小兒糞燒存性密水調  
服一方用人貓猪犬四糞於臘月燒灰名萬金散

○庠塌者於形色脉上分虛實實則脉有力氣壯虛則脉無力  
氣壯痒以實表之劑加涼血藥實痒如大便不通者以大  
黃等寒涼之藥少與之下其結糞氣怯輕者用淡密水調  
滑石末以賊翎刷瘡上潤之

○瘡乾者宜退火止用輕清之劑荆芥薄荷升麻乾葛之類

○瘡濕者肌表間有濕氣也宜瀉濕藥白芷防風之類蓋風藥能勝濕也

○咽喉腐者如聖散鼠枯子湯

○消渴者蘇黃黃芩湯

○煩渴者甘草散烏梅湯

○口利咽乾者木香理中湯

○顏色正者以前法平治則安將欲成就脚色淡者宜助血藥用當歸川芎酒為藥之類或少加紅花以潤血色將成就之際脚色紫者屬熱用涼藥解其毒升麻葛根湯炒芩連及連翹之類其者必用犀角蓋犀角大解痘毒

○將靨時金白色如痘壳者蓋因初起時飲水多其靨不齊名曰倒靨不好宜服實表之藥及消息大小便何如大便秘

宜利大便小便秘宜利小便如小便赤澀者大連翹湯并  
露飲大便秘結內煩外熱者小柴胡湯加枳壳最穩當或  
小服四順清涼飲子

○夫瘡疹用藥固宜權度大小二便不可不通其大便者所下  
黃黑色其毒氣已盛不可多與熱劑但小用化毒湯可也  
或不用亦可若大小二便一有秘結則腸胃壅遏脉結氣  
滯毒氣無從發泄目閉聲啞肌肉黧黑不旋踵而變矣陷  
入者加味四聖散更以故安酒薄付其身厚付其足噴其  
床帳衣被併以厚綿衣蓋之若未起獨聖散入木香煎服  
若其瘡已黑乃可用宣風散加青皮錢氏云黑陷青紫者  
百祥丸下之不黑者慎勿下余知其所下者瀉膀胱之邪  
也又云下後身執氣溫欲飲水者可治水穀不消或寒戰

者爲逆余知其脾強者土可以制水也百祥丸恐太峻  
以宣化散代之瀉後溫脾則用人參茯苓白朮等分厚朴  
木香甘草各減半爲妙蓋瘡發肌肉陽明王之脾土一濕  
胃氣隨暢獨不可消勝已泄之腎水乎此錢氏不刊之秘  
止也

○其懷瘡者一曰內虛泄瀉二曰外傷風寒三曰變黑歸腎

○近時治瘡者悉宗陳文中木香散異功散殊不知彼立方  
之時必運氣在寒水司天之令及值嚴冬大寒爲因氣鬱  
遏瘡瘡不得起發紅綻故用辛熱之劑發之其宜也今人  
不分時令寒熱一槩施治誤人多矣或有雖值溫熱之時  
山野農家貧賤之人其或偶中一二不可以爲常法也  
○愚按陳氏木香散異功散二方乃素問從治之法又謂之熱

辯內外因

火起于子母之分不傷皮毛彰君之德也成云瘡發於腫  
於外者屬少陽三焦火也謂之斑色小紅而行于皮膚中  
出者屬少陰君火也謂之疹楊氏曰痘瘡發於肌肉陽明  
胃氣主之脾土一溫胃氣隨陽土可勝水決無陷伏之患  
九瘡歆出而未出因發搐者是外感風寒之邪而內發心熱  
也宜王氏惺惺散或升麻葛根湯木香參蘇飲 九瘡歆  
出未出而吐利者是中焦停寒或挾宿食也宜四君子湯  
加砂仁陳皮或和中散如挾宿食者用紫霜丸

王氏惺惺散

白木

桔梗

細辛

人參

茯苓

甘草

括萎根

各三分



右細切作一服入薄荷葉三片水一盞煎七分時時與之

升麻葛根湯

葛根

升麻

芍藥

甘草

各一錢

右細切作一服水盞煎七分溫服無時

木香參蘇飲

人參

三分

蘇葉

桔梗

乾葛

前胡

各四分

陳皮

茯苓

各半錢

枳殼

分三

木香

一分半

半夏

右細切作一服加生姜三片水一盞煎七分溫服

四君子湯

人參

白朮

茯苓

各一錢

甘草

半錢

右細切水一盞煎六分食前溫服加宿砂陳皮名蒼子湯

因熱用者也蓋痘瘡熱毒怫鬱于內而不得起發故用丁附木香桂心豈翹等辛散劫鬱之劑一二服劫而開之使鄉之鬱于內者盡因藥氣而發越乎外故痘子陷伏灰白色者皆翕然紅活凸綻而內無遺邪矣切勿過劑如一二服後劫不起者亦不可多與多則反耶其毒轉增黑爛咽閉声沉而死近世儒醫悉引內經病機諸痛痒瘡瘍皆屬心火之語以正陳氏之失此知常而不知權之論也故使後學狐疑不决當用而不敢用是以袖手待斃哀哉

○痘瘡初發時五藏形証一

面及腮頰赤噴嚏屬肺呵欠煩悶屬肝時發驚悸

○痘瘡五藏形色二

肝藏發水疱

色微青以液為淚故  
色如水其形小

肺藏發膿疱

色多白以液為涕故

脾藏發疹

或如糖漿其色如皮黃

心藏發斑

其色主血故能赤

腎藏居下獨不受穢毒故無候但耳尻冷耳若莖瘡黑陷耳及尻反熱者為逆

○斑痘所發之源參

夫嬰兒之胚胚臍也必資胎養以長其形焉緣母失節慎縱欲恣食感其穢毒之氣藏之藏府近自孩提遠至童非值寒暄不常之候瘡疹由是而發因其所受淺深而為稀稠焉其原實系於心一云相火之氣所為故入於肺則成膿胞俗名碗豈亦名麻豈以相火秉金故破眊也入于肺則成水疹俗名麤瘡入于脾則成癰疹入于心則成斑以

和中散

厚朴

姜汁煮一錢

白木

半錢

乾姜

炮

甘草

炙三分

右細切作一服加生姜一片水一盞煎六分稍熱服

○紫霜丸

杏仁

五十五皮尖

赤石脂

另研一兩

巴豆

三十去膜

代赭石

一兩研

右各另研為末和均湯浸蒸餅為丸如黍米大三歲以下  
元二三九八歲以上十數丸食前米飲或乳汁送下

○辨形氣病四

如瘡已出而聲不變者形病也瘡未出而聲變者氣病也  
宜補肺散加生黃芪○瘡出而聲不出者形氣俱病也形  
病身溫者宜解毒防風湯大便閉者宜當歸丸○形氣俱  
病小兒稟賦素弱者宜豫服十奇散倍歸散少木香煎服

○補肺散

阿膠一錢 牛旁子炒三分 馬兜鈴半錢 甘草二分半

杏仁三粒 糯米一錢 加生黃芪半錢

右為末分二服水一小盞煎六分食後時時與之

○鮮毒防風湯

防風一錢 地骨皮 生黃芪 芍藥

荊芥穗 鼠粘子炒各半錢

右細切作一服煎或為細末溫水調服亦可

○當歸丸

當歸半兩 黃連半錢 大黃二錢半 甘草一兩炙

右先以當歸熬成膏以下三味研為細末以膏和為丸如胡椒大三歲以下兒十九七八歲兒二十九食前清米飲

下漸加至以利為度

○十奇散

即托裏十補散又

黃芪

人參

當歸各二錢

厚朴

姜制

桔梗

各一錢

桂心

三分

川芎

防風

去芦

甘草

白芷

各一錢

石為細末每服一錢或二錢溫酒調下細切水煎亦可

○辯三陰三陽經候五

太陽病寒身熱小便赤澀出不快宜荊芥甘草防風湯少

陽病乍寒乍熱出不快宜連翹防風湯

陽明病身熱目赤大便秘實瘡遍肌肉出不快宜升麻葛

根湯加紫草

太陰病自利四肢逆冷宜附子理中湯木香散

少陰痺瘡黑陷口舌燥宜四物湯加紫草紅花

厥陰癰舌卷卵縮時發厥逆宜異功散

三陰病法當救裏故宜以溫劑助之

○荊芥甘草防風湯

荊芥

薄荷

牛旁子

防風

甘草

各六分

右細切作一服水一盞煎六分食溫服

○連翹防風湯

連翹

防風

瞿麥

荊芥穗

木通

車錢子

當歸

柴胡

赤芍藥

白滑石

蟬蛻

黃芥

紫草耳

各三分

甘草

右細切作一服水一盞煎七分隨時大小量數輕重與之

大小便自利者不宜用

○升麻葛根湯方見前條每服加粳米五拾粒紫草半錢煎

○又一方升麻湯治斑在面

升麻一錢

犀角

射干

黃芩

酒浸焙乾

人參

甘草

各半錢

右細切作一服水一盞煎六分食前溫服

○理中湯

人參

甘草炙

白朮

乾姜

炮各八分

右細切作一服如炮附子三分甚者五分量兒大小加減水煎食前稍熱服

○木香散

木香

大腹皮

酒洗淨

人參

桂心

青皮



赤茯苓

前胡

訶子

煨去核

半夏

姜制

丁香

甘草

各三分

右細切作一服加生姜三片棗一枚水煎量大小加減分數與之

○異功散

木香

當歸

酒洗去芦

桂心

白朮

麩炒

茯苓

陳皮

厚朴

姜制

人參

肉蓯蓉

麩炒

丁香

半夏

湯泡七次

附子

泡各三分

右細切作一服加生姜三片大棗一枚水煎服

○辯三陽証治

凡痘疹春夏為順當純陽之時也古人治法與傷寒同

足脛熱

兩腮紅

大便秘

小便澀

渴不止

上氣急

脉紅數

已上七証不宜服熱藥

瘡疹一發便密如蚕種布或如糠粃者合清表宜連翹升  
麻湯或未出而先發搐是兼外感風寒之邪宜茶湯下鮮  
毒丸及犀角地黄湯瘡出不快清便自調知其表當微  
發散升麻葛根湯若瘡青乾黑陷身不大熱大小便澀滯  
是熱蓄於內宜煎大黃湯下宣風散若表大熱者不可下  
黑陷甚者百祥丸○若瘡已發稠密微喘渴欲飲水宜微  
下之當歸丸及龐氏地黄膏外以黃栢膏塗面佳  
值盛夏暑熱正熾適瘡火發煩渴大便實者宜玉露散及  
甘露飲子或昏冒不知人時作搐搦瘡倒靨黑陷者宜諸  
心龍腦膏

○連翹升麻湯

即升麻葛根湯加連翹一分是也

○犀角地黄湯

犀角鎊

生地黃

牡丹皮

赤芍藥各等分

右細切水煎服

○鮮毒丸

寒水石研

石膏研各一兩

青代半兩

右以二石細研如粉入青代和均湯浸蒸餅為丸如芡實大每服一九食後新汲水化下或細嚼姜水下亦可三歲兒服半丸量歲數加減服之

○宣風散

檳榔二枚

陳皮

甘草各半兩

黑丑

四兩枚頭末一兩

右為末量兒大小以蜜湯調服

○百祥丸

紅牙大戟

不為多少淫乾藥水煮極軟去骨日中曝乾復總汁中煮汁尽倍乾為細末

右一味以湯浸蒸餅為丸如粟米大每服三十丸研赤芝  
麻湯下量兒大小加減丸數與之

○龐氏地黃膏

生地黃

四兩

豈豉

半升

雄黃

一錢

射香

半錢

右以猪膏一斤和均露一宿煎五六沸令三分去一絞去  
下椎黃射香攪均稍稍飲之毒從皮膚中出即愈

○黃柏膏

黃柏

一兩去粗皮酒拌炒

葦豉

一兩去壳

甘草

四兩

右為細末以生芝麻油調從耳前至眼眶並厚塗之日二  
二次如用早能令瘡不至面縱有亦稀少

○玉露散

方見前

王海藏云非腎熱相火盛者不宜服此藥利北方

○牛露飲子

生地黃

熟地黃並用洗

天門冬

麥門冬

批把葉

炙去毛

枳殼剝去黃皮

黃芩

石斛

去苗子

山茵陳

甘草

右細切作一服水一盞煎六分食後溫服

○猪心龍腦膏

梅花腦子一字研

右取新宰猪心血一箇為丸如芡實大每服一丸或半

凡量兒大小與之紫蘇湯下或井花水化下亦可

○辯三陰証治九磨發於秋冬為送當純陰之時也

足胫冷

腹虛脹

糞青色

面眇白

嘔乳食

目睛青

脉沉微

已上七証不

宜服寒藥

痘瘡盛出四肢逆冷或自利係在太陰脾經宜急溫之用  
異功散附子理中湯調中丸○痘瘡平塌灰白色不澤此  
是正氣不足宜十補托裏散倍黃芪加熟附子○或四肢  
厥逆時作搐搦係在厥陰宜溫之異功散加防風青皮或  
和中散去乾葛藿香加附子肉桂心

○調中丸

白朮

煨半兩

人參

半兩

甘草

炙半兩

乾姜

炮四錢

右爲細末煉蜜爲丸如篆豈大每服多不過二十九溫水  
食前送下

辨形氣不足八

肺主氣氣不足則致後三証

自汗聲不出

瘡頂陷塌

不綻肥

並宜十奇散

自汗倍黃芪聲不出倍桔梗

心主血血不足則致後三証

灰白色

根窠不紅

不光澤

並宜芎歸湯加芍藥紫草紅花良驗

○芎歸湯

川歸

川芎各二錢半

右細切水煎服

辯表裏虛實九

表裏俱實其瘡難出而易靨

表裏俱虛其瘡易出而難靨

諸痛為實

內快外痛為外實內虛內痛外快為內實外虛

諸寒為痛

九瘡發身痛不為外寒所折則肉腠厚密宜分而治之若紅點乃見為寒所折而肉腠有熱宜

諸痒為匿木香參蘇飲輕者消毒飲或葛根升麻加芍藥湯肉瘻者宜活血散併均氣散  
補血氣不足多痒此証所謂諸痒為匿也宜十  
補花散及木香散加丁香官桂胃主肌肉尤  
宜四君子湯加芍藥歸木香紫草煎服或患者不  
能忌口因食毒物兒作痒者二物湯百花膏或  
四君子湯加解毒藥

○消毒飲

牛旁子

三錢炊一名鼠子

荆芥 一錢 甘草

半錢生用

防風

去芦半錢

右細切作一服水煎加生犀角尤妙

○葛根升麻加芍藥湯

升麻葛根湯倍芍藥是也

○活血散

白芍藥

右為細末每服一錢溫水調下止痛用酒調尤

驗王海藏云四肢出不快加防風一方用赤芍藥



○勻氣散即齊生方八味順氣散加木香也

白木 白茯苓 青皮 白芷

陳皮 烏藥 人參 各半 甘草 炙二分半

木香 一分半

右細切作一服水一盞煎七分服或細末酒調亦可

○二物湯

蟬蛻洗淨二枚 甘草 炙一兩 右為末水煎時時服之

○百花膏

石密不拘多少畧用湯和時時以雞翎刷之瘡毒亦易落無痕

○平治諸方萬不失一

石壁胡氏曰小兒難任非常之熱亦不可任非常之冷如熱藥太過經刻吐利腹脹重則陷伏倒靨是宜溫涼適中

可也仁齋楊氏曰諸熱不可驟去宜輕解之蓋痘瘡無熱則不能起發史氏曰比之種痘值天時暄暖則易生

○九值天時不正鄉隣痘瘡盛發宜服禁方不出方

三豈湯 油飲子 鳳龍膏

○九初覺痘瘡欲發當先解利與傷寒相類疑似之間兼用解表胡氏云非微汗則表不解解表當於紅斑未見之時用

王氏惺惺散 錢氏惺惺散 張氏防風湯

升麻葛根湯 張氏四物解肌湯 參蘇飲

○三豈湯

赤豈 大黑豈 藁豈 各一升 甘草 三兩

又以三豈淘淨用水八升煮豈熟為度逐日空心任意豈飲汁七日未不出

○油飲子

真麻油 一升

逐日飲盡求不出

已上二方出扁鵲 倉公方

○龍鳳膏

烏雞卵一箇 地龍一條活者

右以雞卵開一小竅入地龍在內夾皮紙糊其竅飲鍋上蒸熟去地龍與兒食之每歲立春日食一枚終身不出痘瘡覺隣里有此誣流行時食一二枚亦好

○錢氏惺惺散

方見前条與王氏同但一方有防風川芎減半

○解毒防風湯 方見前

四物解肌湯

白芍藥

黃芩

升麻

葛根 各七分

右細切作一服水一盞煎六分溫服不拘時  
瘡出不快宜

○活血散加防風湯

○龐氏紅花湯

紅花子合 右以水半升煎百沸服之

○紫草湯治瘡出不快及大便自利一名紫草湯

紫草 木香 茯苓 白木 各一錢

甘草 半錢

右細切作一服入糯米一百粒水一盞煎六分食前服

○四聖散

紫草 木通 各一錢 甘草 枳殼炒黃色 各半錢

右細切作一服水一盞煎七分溫服不拘時

○樺皮飲子

樺木皮二兩 用水一升煮取半升時時細飲

凡痘瘡出不快者有五証臨病審見調之

一證天時嚴寒為寒所折不能起發宜散寒溫表冬三月寒甚

紅斑初見宜五積散正氣散參蘇飲楊氏調解散陳氏木

香散

五積散

白芷 川芎各三分 桔梗 去分半 芍藥 茯苓

甘草 炙 川歸 肉桂 去粗皮 半夏 各二分 陳皮 去白

枳殼 去穢 麻黃 各半錢 蒼朮 米泔浸 甘姜 炮四 厚朴 姜制

右除肉桂枳殼二味別為鹿末外十三味細切慢火炒

令轉色攤冷次入二味末令均作一服水一盞半入生薑

三片煎至一盞去粗稍熱服

正氣散

甘草

炙三分

陳皮

藿香

去梗

白朮

各半錢

厚朴

姜制

半夏

姜制各一錢半

右細切作一服加生薑三片大棗一枚水煎服

調解散

青皮

陳皮

枳殼

麩炒

桔梗

去芦

人參

半夏

炮七

川芎

木通

乾葛

各四分

甘草

紫蘇

各二分

右細切作一服加生薑三片大棗一枚水煎服

一方加紫

一証炎暑隆盛煩渴昏迷瘡出不快宜辰砂五苓散煎生地黄

麥門冬調服身熱甚者小柴胡加生地黃煩渴而便實者

白虎加入參湯輕者人參竹葉湯加生地黃煎服

○辰砂五苓散 五苓散加辰砂細研為末是也

○小柴胡湯○人參白虎湯○人參竹葉湯方有見傷寒門

一証服涼藥損傷脾胃或胃虛吐利當溫中益氣宜理中湯吐利甚者加附子或陳氏異功散木散豈寇丸

肉豈寇丸

木香 砂仁 白龍骨 訶子肉 各半兩

赤石脂 枯白礬 各七錢半 肉豈寇 半兩溫麪裹煨熟

右為細末麪糊為丸如黍米大每服三十九至五十九煎異功散送下

一証或成血泡一半尚是紅點此毒氣發越不透必不能食大便如常者宜半溫裏半助養之劑用四聖散加減及紫草

木香湯絲瓜湯阮氏萬金散湯氏安班湯

○四聖散

紫草木香湯

方而見煎

○絲瓜湯

絲瓜

不拘

連皮子燒存性為末每服一抄時時用米湯調服此物發豈瘡最妙或以紫草甘草煎湯調服尤佳

○阮氏萬金散治痘瘡出不紅潤

防風

人參

蟬蛻各等分

右細切每服四錢水一盞入薄荷三葉煎六分溫服熱而實者加升麻

○湯氏安班湯



一証外實之人皮膚厚肉腠密毒氣難以發泄因出不快宜消  
毒飲透肌散如大便秘實於消毒飲內加大黃枳子仁煎  
服添出大稠宜犀角地黃湯張氏解毒防風湯血氣不足  
宜十奇散咽嗑不利宜如聖湯加薄荷枳殼口中氣熱咽  
痛口舌生瘡宜甘露飲子驚風搐搦宜抱龍丸煩渴宜獨  
參湯黃芪六一湯

○透肌散

紫草茸

綠升麻

粉甘草 各一錢

右細切水煎服或與消毒飲同煎服尤妙

○如聖湯

桔梗二錢 甘草一錢 一方加牛旁子 麥門冬錢一

右細切水煎時時服之

○抱龍丸 見驚風門

辯外証逆順

身體溫煖者順 寒涼者逆

能食大便利者順 不能食大便利者逆

辯外証輕重

輕者 作三次出 耳中無 大則不一 根索紅活 頭面偏火 肥滿光澤

重者 一齊出 利而濁 如系繩布 身溫腹脹 天目已 頭溫足冷

辯痘瘡初末形証

微者其邪在腑發為細疹狀如蚊珠所螫點赤色俗名

瘡瘡○甚者其邪在藏為痘瘡狀如碗豈根赤頭白穴出

濃水俗名痘瘡二三日始見微微欲出於粟如黍或如粟  
豈或如水珠光澤明淨者佳四日大小不等根窠紅光澤  
者輕如稠密陷頂併瀉者者重六日七日瘡形肥紅光澤  
者輕如身熱氣喘口乾腹脹足指冷者重八日九日長足  
紅滿瘡腐色者輕如寒戰悶亂腹脹煩渴氣急咬牙者重  
之至也十日十一日瘡當結靨而欲落之時將愈十二  
三日當靨而不靨者爲逆身稍利之以防其餘毒身不壯  
熱或腹脹或瀉渴用十二味異功散救之

辯不藥而愈

痘脚稀疎

根窠紅綻

不瀉不渴

乳食不減

四肢溫和

身無大熱

已上六証並不須服藥惟宜善加調護須使房室溫盜屏

諸穢氣忌見外人母犯房色及進來婦人月水併腋臭者  
皆不可近惟宜燒大黃瘡木以辟惡氣勿宜燒沉檀降真  
乳香腦射席帳之內宜懸胡妥或以胡妥清酒噴床帳併  
燒木香為佳夫痘瘡之毒最怕穢惡之氣觸犯切不可信  
僧道看經誦穢呪無纖毫之力而返恐被其穢惡之氣觸  
犯亦不可恃其能解而不預防戒之戒之

平五不治証

痒癢寒戰咬牙渴不止

痘紫黑色喘喝不寧

灰白色陷頂腹脹

頭溫足冷悶亂飲水

氣促泄瀉渴

辨疹有陰陽二証

赤疹屬陽遇清涼而消

白疹屬陰遇溫煖而減

傷寒時氣發斑附

溫毒發斑宜玄參升麻湯重用荆防敗毒散

爛斑因陰明胃實失下或下之太早所致宜化斑湯龐氏石

膏湯○時氣斑宜石膏湯○陽毒斑胃實之人誤服熱劑

或加以風暑宜陽毒升麻湯

○玄參升麻湯

玄參洗去首

升麻

甘草

各一錢半

○荆防敗毒散

紫胡

甘草

人參

桔梗

川芎

茯苓

枳殼

前胡

姜活

獨活

荆苓穗

防風

各四分

右細切作一服水一盞煎七分溫服或加薄荷五葉

○化斑湯即白虎湯加玄參也

○龐氏石膏湯

香薷合一 葱白錢五 石膏兩一 梔子錢一

生姜兩半 大青 升麻 芒硝錢各半

右細切作一服水升半煮取七合去粗下芒硝放溫徐徐服之

○陽毒升麻湯

升麻 犀角鎰 射干 黃芩

人參 甘草一各錢

右細切作一服水一盞半煎至一盞食前溫服

辨瘡後餘毒

一毒氣流於陰陽脾經則痲發四肢手腕併膝臍腫痛宜

消毒飲重者十六味流氣飲加附子或酒浸大黃煎服及

必勝膏親手水等付之

○消毒飲 方見前

○十六味流氣飲

川芎 川歸 芍藥 防風

人參 木香 黃芪 桂心

桔梗 白芷 枳殼 厚朴

烏藥 甘草 紫蘇 枳殼 各四分

右細切作一服水一盞煎七分服氣血虛而自利者加熟附子大便實加大黃

○必勝膏

馬齒莧 許計 猪膏脂 石密

右以三味共熬為膏塗腫處

○規子水

規子

不拘多少活者以水養五日旋取北水洗手面近生肉無痕

○一毒氣留于太陰肺經則臍內併手腕腫流為赤癰毒宜消毒飲如聖湯五福化毒丹雄黃解毒丸利之氣血虛者十補湯加桔梗枳殼犀角煎服咽喉不利或腫痛宜薄荷如聖湯

○五福化毒丹

方見諸風門

每兩分作十二丸一歲兒一丸分作四服用薄荷水化下  
瘡餘毒上攻口齒涎血臭氣以生地黃自然汁化一丸用翎刷入口內

○如聖湯

方見前



○雄黃解毒丸

欝金

雄黃

研飛各一錢半

巴豆

去皮膜油四十粒

右為細末醋煑麪糊為丸如菡萏大每服二三丸熱茶清下量兒大小與之

○一毒氣流入大腸則便膿血或下腸垢或大便板結宜犀角地黃湯身煩熱渴宜黃連解毒湯熱勢盛者小承氣湯下利者黃連解毒湯黃連阿膠丸駐車丸

○黃連阿膠丸

黃連

二兩

阿膠

炒成珠子一兩

右以黃連茯苓同為細末水調阿膠末搜和為丸如梧桐子大每服二十丸溫米飲送下

○駐車丸

阿膠

以成殊醋煮膏

當歸

去芦各一十五兩

黃連

三十兩

乾姜

炮十兩

右為末以阿膠和成餌丸如梧桐子大每服二十丸食前清米飲下日三服小兒丸如麻子大量見大小加減

○一痘瘡入眼宜決明散密蒙花散撥雲散蛤粉散

決明散

草決明

赤芍藥

天花粉

甘草

右各等分為細末每服半錢匕食後茶清調下

○密蒙花散

密蒙花

青箱子

決明子

車前子

右各等分為細末用羊肝一片破而為三摻藥入肝內令均却仍舊合兒為一以酒水溫帝七重包裹於落灰中煨熟勿令焦焙乾研末入射香少許每服二錢重食後米飲

調下

○撥雲散

姜活

防風

柴胡

甘草

各等分

右為細末服每二錢水一盞煎七分食後卧服薄苛汁茶清或菊花苗煎湯調皆可忌葷鹽鮓醬溫炙多燂炊氣及一切發風動火之物

○蛤粉散

穀精草

海蛤粉

各等分

右為細末每服二錢七用獺猪肝許以竹刀批開摻藥在內捲了外以青箭箬包裹麻線扎縛定用水一碗煮令熟入小口瓶內薰眼候溫取食之日一服不過十服遂退一熱毒流於三陽之後經則腮項結核腫痛宜荊防敗毒散

十補湯痢桂枝解毒飲倍加忍冬藤煎服

○荊防敗毒散

十補托裏散即十奇散也消毒飲方並見前

祖傳經驗秘方凡痘後不問癰毒發於何經初起紅腫時却用黑茅赤三豈以酸醋浸研漿時時以鵝翎刷之隨手退去其効如神

一小兒後痘二十日不大便其糞燥作痛垂死曾用大黃芒硝枳殼巴豆等藥及用密遵法及服香油一碗許俱不通愚令一婢以真麻含口內用小竹筒一筒納穀道中吹油入腸內須臾即通真良法也

古人極治痘瘡要法

王氏指迷云痘瘡亦時氣之一端一人受正傳染其飲又

云瘡疹有熱則易出一出遍及於肌膚。張氏喚曰痘子氣均則出快蓋血隨氣竹氣逆則血滯。王氏疹者脾所生脾盛時旺藥之木能勝土熱動心神而生驚。錢氏曰肝風心火二藏交爭而致搐又曰痘症未形而先搐大忌涼心蓋瘡屬心心主血心寒則血不能行痘欲出而不可得也切須慎之大抵治驚推平肝利小便均氣最妙仁齋楊氏曰大熱當利小便宜五苓散導赤散小熱當解毒宜消毒飲四聖散

○陷伏倒靨黑陷

一証變壞歸腎黑陷宜錢氏百祥丸宣風散

一証外感風寒所致冬時宜五積散減麻黃加桂心紫草春時不換金正氣散加川芎白芷防風或風邪所襲宜消風

散加紫草蕪服

一証乳食所傷內氣壅遏宣楊氏調解散或四君子湯加縮砂木香川芎紫草大便自利宜附子理中湯

一証或因父母不謹犯房事月水及乳母腹氣穢濁諸忤所致宣阮氏辟穢丹焚而薰之仍以胡妥酒嚼帛帳及懸胡妥於床帳中甚者以胡妥湯化下蘇合香丸蕪塗薰亦妙聖制再甦散神効

一証毒氣入裏黑陷宜猪尾膏神驗

○不換金正氣散

厚朴姜制 藿香去梗 甘草 半夏湯洗七次去皮略

蒼朮半泔浸 陳皮 各半錢

右細切作一服加生姜三片棗二枚水一盞煎七分服

○辟穢丹

蒼木

北細辛

甘松

川芎

乳香研另

降真香

右爲細末烈火焚之 今世俗例以黃茶燒烟薰之最好

○再甦散治痘瘡觸毒氣入內

明白礬

地龍

去土炒各一兩

右爲末每服半錢用猪尾血一椀斗許用新汲水少許調下不拘時

○猪尾膏即前龍腦膏錢氏用小猪尾取血研用之

凡痘瘡膿汁不乾蓋瘡出太盛表虛難靨以致膿水粘衣着席溫痛不能轉側宜白龍散敗草散等附之

○白龍散

黃牛糞日乾火煨成灰取心中白者爲末帛裹撲之

○敗草散

用蓋屋及牆背上遠年腐草洗淨焙乾爲細末帛裹撲之  
及鋪床蓆上佳

○馮氏天花散治痘後失音

天花粉

桔梗

白茯苓

去皮

阿子肉

石菖蒲

甘草

各等分

右爲末用水調半匙在碗內外以小竹七淫黃荊七條縛  
作一束點火在碗內煎臨卧服

凡孕婦身發痘瘡宜馮氏單胎散若胎動不安宜獨聖散安胎  
飲身熱甚宜木香參蘇飲或瘡稠密宜十奇散倍芍藥當  
歸減桂加香附烏藥如胎已五月則半夏桂心之屬俱不



必禁

○單胎散

赤茯苓

白朮

川歸

白芍藥

赤芍藥

北柴胡

乾葛

人參

桔梗

條苓

防風

陳皮

荆芥

枳殼

柴草

阿膠

糯米

白芷

甘草

川芎

縮砂

大熱加麝金

各三分

右細切作一服水一盞半煎至一盞乾柿蒂七箇野苧根七寸緝瓜蒂一箇用銀器煎以荷葉鮮定熬至八分去粗仍用荷葉蓋覆空心溫服

○獨聖散用連殼縮砂慢火炒去殼爲末每服半匙熱酒調下

胎動則服服後覺胎熱則安矣

○安胎散

大腹皮

酒洗極淨焙乾  
用烏豆汁洗

人參

陳皮

白朮

白芍藥

川歸

川芎

香附米

童子尿浸

砂仁

紫蘇

茯苓

甘草

各半錢

右細切作一服水一盞半燈草七莖糯米一撮煎一盞食前溫服

滄洲翁先生跋云凡乳嬰之與童非當岐為兩途以治之乳嬰當兼治乳母俾其氣血清和飲食有節投以調氣通榮之劑以饗其乳使兒飲之則其瘡心肥滿光澤無陷伏之憂童非之子必當倍切其脉審其表裏虛實以汗下之苟不實不虛

則但保其冲和使脾氣流暢則肺金籍母之助易如灌膿速  
於成痂無倒塌之患或至壯盛而膚腠羣密尤須預爲汗解  
或大便結與溲澁者尤宜下之利之庶無患也餘証則當於  
藥內倍其分兩百無一失學者宜致思焉

醫學正傳後叙

恒德老人虞公天民侍御虞君惟明之 叔祖  
也幼有大志弗售于時尋以醫名而著書若  
千卷門分彙別其言多出於金匱玉函岐伯華  
陀百家咀其英而合于一也侍御君屬予叙予  
從而識其後曰醫之為道若是矣乎若是矣乎  
舉其一則功及於一人惠流於一物而已竟其極博

其傳則所謂排疹戾完軀殼酌四時攝元氣  
有贊化之一焉醫若是其弗可易講也審藥餌  
之投辨陰陽之性則陽可不亢陰可不涸可解沉  
痼可伐宿癥可以輕身可以延年否則吾未見  
不顛沛而隕越也醫若是其弗可不精也今夫  
持一方以療一病者病之淺者也醫終一身而  
或有未諳之病者醫之淺者也醫莫精於王

叔和王粲孫思邈之流而其方亦有所未備  
窮崖邃谷之僻或有口耳之秘而可以援數  
年弗瘳之痛者此則病無定名藥無定餌  
醫若是其弗可不學學若是其弗可不博也  
夫人之書上自黃帝內經下逮呂復宋產脩  
之流莫不品題而次第之苟非有得於松湫  
之余尔安能如珠之貫宛然如呈諸左也若

是其博矣三焦回診六門之說表裏陰陽  
浮沉之辨既詳且悉至於急流順流千里半  
天春雨秋露之水性各別此則醫家之所罕  
言者也若是其精矣病有總論有條目藥或  
具數方方或採數書書非出於一日功殆收之  
垂白則其學之之初又若是其難也功歲而業  
精業精而名著名著而書出書出而業傳

不有聞其名未獲其人而顧拜其書者乎書得  
矣不有淫其書而求其術者乎術得矣不有  
試其術而顧齊其名者乎予曰術得矣術不  
可不慎也書得從書不可不曲而暢之旁而通  
之也病有類燥而濕藥有藏陰於陽者術不可  
不慎也不求其術可也求其心而已矣藥可以  
主可以伐生有可以害人者或可以弭害也神而



明之存乎其人書不可不曲而暢之旁而通之也苟  
置其書可也求諸吾心而已矣以吾之心求老人之  
心也老人之心與吾之心一也老人之心與王叔和王  
肅孫思邈之流之心一也醫晉之道本諸心醫之  
道若是其未可以易言也醫之道其可以心得也

嘉靖辛卯仲春之吉吳郡蔣詒識

辛丑  
徒木

醫學正傳後再叙

天有六氣曰陰曰陽曰風曰雨曰晦曰明淫則  
爲蓄有寒疾熱疾末疾腹疾惑疾心疾而人之  
氣血流注有循有經有至有抵有會有過有行  
有達而又有所謂三百六十有五之絲絡六百  
四十有七之隧六醫非淺於其學者之所能盡  
其秘也今天下之言醫者衆矣安得有如至靈  
默契陰陽之太少明決六脉二經之周流變化

者而與之論素問諸經方藥之宜攻補之功虛實之變鍼灸之法耶蓋嘗思其人不可作矣以醫名多以名醫名少也醫學正傳侍御東崖虞公叔祖恒德老人所著也觀其書可以知其人矣東崖即其書校之侍御枳田蔣公序之予喜其書而閱之以爲得其人矣閱之且久以爲非恒德老人所著也老人之志欲自附於名家之後故其書集諸家之成而會之一者也夫天下

之事皆可以試其能而醫則有不可以自用其  
明者自義農至今不知歷幾千百代及幾人之  
手而其書始大行皆相祖述傳習增減異同殆  
未有自售其能者故曰醫不三世不服其藥是  
書也使其盡出於恒德老人之手則發揮出於  
膏憶湯液持以已見予未敢以爲盡然也惟其  
參之諸家之秘而斷之以聰明之真則所以握  
氣機佐陰陽疏脉絡者皆有所受而立言垂後

可與諸經並傳無疑也醫學正傳予固喜其學  
之博而擇之精也學之博則有所據擇之精則  
有所見有所據則方藥必求其當有所見則攻  
療必速其功天下之病率不能出其範圍之內  
而世之習其書傳其方者未有不收十全之功  
矣則是書可以傳矣東崖屬予言予爲之書  
其槩以質于今之醫之名者

嘉靖辛卯仲春之吉莆田史梧識